

Evet a sort a garfoc'h emezi ma servicher,
Me fenos e renquo em c'hondui d'ar guer :
Allas neuze he teuis da zonjal en memor, em speret,
Ha cetu aman eun den hac a zo goal dapet.

Nonobsant da guement-ze partial a vo ret.
Mez ma na nê quet wit querzet, hi douguen ne rin quet,
Mes pa voamp deut barzenn awel, hac avancetbarzen hent
Pa zispegen dionti he coeze war ann dachen.

Ar parapluï a zo collet' hac hi zavancher zo a scleg,
Hac he houëf ha zo chomet a damo hed ann dreiz,
Cetu clanw bras ar plac'h paour, na guemer na troad, na penn
Ha me zo nec'het bras gant ma mestrez stroullenn.

Ya clanw bras eo ma mestrez, ne quet ewit querzet,
Ret he din hi lezal war ar n'hent, ha hi laquat da gousquat,
Neuse me zeui d'ar guer hac hi lezas enno,
Pa hi devo cousquet awalc'h, marteze hi difuno.

Guelloc'h we d'ar sort merc'het en plaç ho farapluiou.
Caout kiri geloet pa hefent d'ar foariou,
Ha neuze d'ha vianna, ma ne venquet wit querset.
He vefent tolet he bars, hac ha vefent chareet.

Ho hass he vefet propoc'h car ne vefen ket goelet,
Ha quit he vefe ho dillat da vezan habimet.
Ha comotoc'h eo ive d'ar re ve deus o ren,
Car pignat ebars ar har n'euz ket quement a boen.

Ho pedi ha ran merc'het dre ma zon d'oc'h mignon ;
Da vezan moderet pa ewet boesson ;
Car enn eur ewan re, a offancer Doue,
Distrujan' a ret ho corf, ha lahan ho ine.

Evidon me d'ho quelen me zo ive bambocher,
Demeus a barez Gourin, hac he chom er *Kerquicher*.
Me a zo eur pæour qez den, gant ann ewac'h dibochet,
Mez ret ew d'hin lezel ma renq er bla-man gan ar merc'het.

Hac eur vicher fall ew ive evit destum madou.
Ret he dint mont er bla-man da varc'hadour coëffou,
Entre ar pez a vo uzet hac ar pez a vo roguet,
Martez he teui ha benn, da honnit ma zam boet.

FIN.

MARI BEG A ROC A FRI PARTOUT

VAR TON : Son an dançou.

Mar od'h eus c'hoant, va mignonet, d'a anveout eur vreg rog,
Me o kunduo oa guerfet, dirag Mari beg a rog,
Bemde var dro eun heur anter e cluc'h var treujou e Jor,
Kerkent teodou pig ar c'hartier gant eur skaoun peeur gador.
A zired oll en e c'hever, an audianç so digor.

Var barlen Mari o voler pes foultren assied,
Var bui e cont pep kommer kement e deus iventet ;
Klêvet a rêr pep den lipous a ya bemde d'ar c'hafe,
Pet plac'h a deus tri amorous, ha pet a zo stad eune :
Pet ozac'h a zo mewier, ha pet a bill o grague.

Mari beg arog a gommand var ar c'honseil divragou,
Eb kaout an nebeuta damant e tigor fraaç e guenou,
Pa ne deus var e bizach na moustachou na baour.
E red dêi kaout an avantaj da zikrial tud ar vro.
Guèvier, sotoni, kos langach, flud a bep kalite zo.

Mari beg arog eo titret vel an huella noblanç.
Dommaj ê n'en d'ê ket pried d'eun den pinvidik a Fraaç ;
I ê princes an diegi, comtess a liboudennou,
I ê dukes al loustoni, marquises ar strakellou,
Gouarneres ar jolori, baronez ar pillou.

Kerken a ma ve imbandet daou den yaouank da zimi,
Eve, d'al lun vintin, galvet e c'honseil bras gant Mari
Ped Conseiller en gueleden a boangn gant e vouton bêr
Evit klask ar guellan moyen da deari pront an affer ;
Ar plac'h a gar ar jigoden, pe ar goas a ve mêvier.

Ar re voassa da zikrial an tud a ya en fortun
A zo, evi an ordinal, merc'hed chommet eb nikun,
Merc'hed kes chommet da goza eb tapout eun tamik goas,
Hac a gommanç brêma facha, dre ma ne deu den do choas.
Kouskoude an ini gossa n'ê ket tri-uguent vloa c'hoas.

Kerkent ha ma vel eun eured o tont var zu an Ilis
Mari beg arog a zired en manchou lous en invis,
Evel eur vioc'h ha vreskin e c'haloup abiou ar ru,
Holà ! Catel, Jeannet, Perrin, Soas, Mac'harid, deut dious-tu,
Cetu aman eured Martiñ, deut dremen ar rêvu.

Va c'hommer sellit eus hounes, dislivet e davancher
E c'hornet en zo eb ampes, hag e gueleden re vêr ;
Ho ! sellit-ta eus den-man, peguen striz ê e vragou,
E dog so brassoc'h evitan ; ha kals re hir e voutou,
Eur chimizeten so gantan var eur rochet en pillou ;

Pa ve eur vreg kes guilloudet, divar e buguel kenta,
E c'houlc'h Mari estonet : petra noa mis so dija ?
Me gave din voa an eured d'al lun goude pardon Pôl.
Ha pask n'ê kes c'hoas erruet, allon ! grêd o deus an tol
Eb n'o deveus va c'hemennet, an dra ze gavan drol.

Pa gleo klolc'h Ilis a barrous o c'hervel d'eur vadiant
Mari gant eun troad eb botes, a erru arog ar chant ;
Mæs, dre valheur n'eus ket ezom demeus eur voues ken
Da zikour kan Te Deum evit an neve ganet, [raouliet
Gant e c'hommerzetez e chom e kichen dor ar vèret.